

এইচএসসি পরীক্ষার ফল প্রকাশিত
চারিয়ার্ডের গড় পাসের হার ৫৭.২১

স্টাফ রিপোর্টার ॥
উচ্চমাধ্যমিক শিক্ষা বোর্ডের
উচ্চমাধ্যমিক (এইচএসসি) পরীক্ষার
ফল প্রকাশিত হয়েছে। শিক্ষা
মন্ত্রণালয়ে এক সাংবাদিক সম্মেলনের
মাধ্যমে আনুষ্ঠানিকভাবে এ ফল
প্রকাশ করা হয়। এবার চারটি বোর্ডে
মোট ২ লাখ ৬৩ হাজার ২শ' ৪৯ জন
পরীক্ষার্থী এইচএসসি পরীক্ষায়
অংশগ্রহণ করে। এর মধ্যে উত্তীর্ণ
হয়েছে ১ লাখ ৪৮ হাজার ৫শ' ৭৮
জন। প্রথম বিভাগ পেয়েছে ১০
হাজার ৯শ' ৮ জন, দ্বিতীয় বিভাগ

পেয়েছে ৮২ হাজার ৯শ' ১৬ জন
এবং তৃতীয় বিভাগে উত্তীর্ণ হয়েছে
৫২ হাজার ১শ' ৫৪ জন। চারটি
বোর্ডের পাসের মোট গড় হার ৫৭
দশমিক ২১।
চার বোর্ডের সম্মিলিত মেধা তালিকায়
মোট ৯৫২ নম্বর পেয়ে প্রথম স্থান
অধিকার করেছেন ঢাকা কলেজের
ইফতেখার আলম। দ্বিতীয় স্থানে
রয়েছেন রাজশাহী ক্যাডেট কলেজের
আশেক রানা। তার মোট প্রাপ্ত নম্বর
হচ্ছে ৯১৬। তৃতীয় স্থানে রয়েছেন
ফৌজদারহাট ক্যাডেট কলেজের
মোহাম্মদ সায়েক উল্লাহ। তার মোট
প্রাপ্ত নম্বর হচ্ছে ৯০১।



ইফতেখার ইঞ্জিনিয়ার হতে চান

স্টাফ রিপোর্টার ॥
ইফতেখার আলম ঢাকা বোর্ডের উচ্চ
মাধ্যমিক পরীক্ষায় বিজ্ঞান গ্রুপ থেকে
সম্মিলিত মেধা তালিকায় প্রথম
হয়েছেন।
ইফতেখার এসএসসি পরীক্ষায় ১৯৮৪
সনে সম্মিলিত মেধা তালিকায় ৬ষ্ঠ
স্থান অধিকার করেছিলেন।
শেষ পঃ ৫-এর কঃ দেখুন



রুশদী কম্পিউটার সায়েন্স পড়বেন

স্টাফ রিপোর্টার ॥
এবারের উচ্চ মাধ্যমিক পরীক্ষায় ঢাকা
বোর্ডে কাজী রুশদী আহমদ বিজ্ঞান
বিভাগ থেকে সম্মিলিত মেধা
তালিকায় দ্বিতীয় স্থান অধিকার
করে। শেষ পঃ ৩-এর কঃ দেখুন



আফরোজার লক্ষ্য পুষ্টি বিজ্ঞানী হওয়া

স্টাফ রিপোর্টার ॥
ঢাকা বোর্ডের এইচ এস সি পরীক্ষায়
গার্হস্থ অর্থনীতি বিভাগে প্রথম স্থান
অধিকারিনী আফরোজা হাসিন কেয়া
'পুষ্টি বিজ্ঞানী' হতে চান। পাঁচ
শেষ পঃ ৫-এর কঃ দেখুন



সাবরিলা অর্থনীতিবিদ হবেন

স্টাফ রিপোর্টার ॥
ঢাকা বোর্ডের এবারের এইচএসসি
পরীক্ষায় কলা বিভাগের সম্মিলিত
মেধা তালিকায় মিস সাবরিলা খান
(কাজী) দ্বিতীয় এবং মেয়েদের মধ্যে
প্রথম হয়েছেন। এসএসসি পরীক্ষায়
সাবরিলা কলা বিভাগে সম্মিলিত মেধা
তালিকায় প্রথম হয়েছিলেন। দেশের
শেষ পঃ ৫-এর কঃ দেখুন



পরীক্ষা পদ্ধতি পরিবর্তন করা উচিত—সীমা

স্টাফ রিপোর্টার ॥
ঢাকা বোর্ডের এবারের এইচএসসি
পরীক্ষায় সৈয়দা আশরাফুন নেছা
(সীমা) বাণিজ্য বিভাগে মেয়েদের
মধ্যে প্রথম হয়েছেন।
দেশের অর্থনীতিকে চাঙ্গা করার স্বার্থে
উৎপাদনমূলক ব্যবসার উদ্দেশ্যকে
সামনে রেখে সীমা বাণিজ্য বিভাগকে
শেষ পঃ ৭-এর কঃ দেখুন



সম্মিলিত মেধা তালিকায় প্রথম স্থান অধিকারী ইফতেখার আলমকে তার আকা-আম্মার সঙ্গে দেখা যাচ্ছে



আকা-আম্মার মাঝখানে বসে আছে সম্মিলিত মেধা তালিকায় দ্বিতীয় স্থান অধিকারী আফরোজা

আফরোজা

প্রথম পৃষ্ঠার পর
ভাইবোনের মধ্যে চতুর্থ কেয়া এস,
এস, সি, পরীক্ষায়ও ভাল রেজাল্ট
করেছিলেন। পিতা প্রফেসর
এ.এফ.এম আবদুর রহমান ঢাকা
বিশ্ববিদ্যালয় গণিত বিভাগের শিক্ষক।
কেয়ার কোন প্রাইভেট টিউটর ছিল
না। নিয়মিত ক্লাস এবং মনোযোগ
দিয়ে শিক্ষকদের লোকচার অনুসরণ
করে ভাল রেজাল্ট করা সম্ভব বলে
তিনি জানান। কেয়া প্রচলিত শিক্ষা
ব্যবস্থাকে ত্রুটিপূর্ণ আখ্যায়িত করে
বলেন যে, জাতীয় উন্নয়নের জন্য
বাস্তবমুখী একটি শিক্ষানীতি প্রণয়ন
জরুরী

সাবরিলা

প্রথম পৃষ্ঠার পর
ভেঙ্গে পড়া অর্থনীতিকে পুনরুদ্ধার
কল্পে সাবরিলা ভবিষ্যতে একজন
অর্থনীতিবিদ হয়ে ব্যাংকিং লাইনে
কাজ করার ইচ্ছে পোষণ করেন।
অর্থনীতিতে তার বিদেশে লেখাপড়া
করার ইচ্ছেও আছে।
সাবরিলার মতে নিয়মমাফিক নির্ধারিত
সময় ধরে লেখাপড়া করলে এবং
পরীক্ষার খাতায় উপস্থাপনা ভাল হলে
পরীক্ষায় ফল ভাল করা যায়।
সাবরিলা দেশের বর্তমান শিক্ষা
ব্যবস্থাকে পাল্টিয়ে বৃত্তিমূলক করা
উচিত বলে জানান।

সীমা

প্রথম পৃষ্ঠার পর
বেছে নিয়েছেন। বাণিজ্য বিভাগে
মেয়েদের সংখ্যা বৃদ্ধি করাও তার
অপর একটি উদ্দেশ্য।
সীমার মতে বর্তমান পরীক্ষা পদ্ধতি
পরিবর্তন করে শতকরা ৭৫ ভাগ
অবজেকটিভ প্রশ্ন নিয়ে নতুন পরীক্ষা
পদ্ধতি চালু করা দরকার।



নিউক্লিয়ার ফিজিক্স পড়বো

স্টাফ রিপোর্টার ॥
ঢাকা বোর্ডের এইচ এস সি পরীক্ষায়
মেয়েদের মধ্যে প্রথম (যুক্ত) স্থান
অধিকারিনী সুরাইয়া পারভীন কেয়া
নিউক্লিয়ার ফিজিক্স পড়বেন।
শেষ পঃ ৩-এর কঃ দেখুন

ইফতেখার

প্রথম পৃষ্ঠার পর
সিভিল ইঞ্জিনিয়ারিং-এ নতুন কিছু
উদ্ভাবনের জন্য তিনি ইঞ্জিনিয়ার হতে
চান। প্রতিদিন ১০ ঘণ্টা পড়াশুনা
করতেন। ৩টি বিষয়ে তার নিয়মিত
টিউটর ছিল। একবার ছাড়া
ইফতেখার সব ক্লাশেই প্রথম
হয়েছিলেন। ফলাফলে খুবই খুশী।
ক্রিকেট তার প্রিয় খেলা। ছবি আঁকা
তার অভ্যাস। পেমিল স্কোচে ছবি
আঁকতে ভালবাসেন। গান-বাজনায়
তার অরুচি নেই। তার মা মাহবুব
আরা তার প্রিয় গায়িকা।
পাঁচ ওয়াক্ত নামাজী ইফতেখার হযরত
মোহাম্মদ (দঃ)-এর জীবন আদর্শ
বিশ্বাসী। আল্লাহর ওপর বিশ্বাস একটা
বড় কোয়ালিটি বলে তিনি জানান।
তার প্রিয় কবি নজরুল ইসলাম। প্রিয়
খেলোয়ার মারাদোনা।

কেয়া

প্রথম পৃষ্ঠার পর
শিক্ষকতা করা তার জীবনের লক্ষ্য।
নিয়মিত পড়াশোনা, গভীর আগ্রহ
সর্বোপরি অধ্যবসায়ের মাধ্যমে ভাল
রেজাল্ট করা সম্ভব বলে পারভীন
জানান।
পারভীন নারী শিক্ষার আরো প্রসার
দাবী করছেন। তবে মেয়েরা যতই
লেখাপড়া করুক তারা যে নারী এ
কথা ভুলে যাওয়া উচিত নয় বলে
তিনি জানান। কারণ নারী স্বাধীনতা
মানে স্বেচ্ছাচারিতা নয়। কতিপয়
নারীর উগ্রতা তথা বাড়বাড়ি সমাজের
মারাত্মক ক্ষতি করছে বলে তিনি
জানান।

রুশদী

প্রথম পৃষ্ঠার পর
কাজী রুশদী কম্পিউটার সায়েন্সে
বিদেশে উচ্চ শিক্ষা গ্রহণ করতে চান।
তবে স্থলারশির্প না পেলে বিদেশে
পড়বেন না। রুশদীর মা ডঃ জাহেদা
আহমেদ ঢাকা বিশ্ববিদ্যালয়ের
ইতিহাস বিভাগের অধ্যাপিকা। বাবা
খলিকুলজামান অর্থনীতিবিদ, বর্তমানে
বিআইডিএস-এর গবেষণা পরিচালক।



ছাত্র রাজনীতি ন্যাক্সারজনক

স্টাফ রিপোর্টার ॥
ঢাকা বোর্ডের এইচএসসি পরীক্ষায়
বাণিজ্য বিভাগের প্রথম স্থান অধিকারী
দেবব্রত নন্দী টুটু ভবিষ্যতে একজন
'চার্টার্ড একাউন্ট্যান্ট' হতে চান।
তিনি নিয়মিত পড়াশোনা, বিভিন্ন বই
দেখে উন্নত মানের নোট তৈরী করে
এবং শিক্ষকদের সাহায্য নিয়ে এ
রেজাল্ট করেছেন। তিনি এস,এস,সি
পরীক্ষায় একই বিভাগে তৃতীয় স্থান
অধিকার করেছিলেন। দেশের ছাত্র
রাজনীতি খুবই ন্যাক্সার জনক বলে
তিনি মন্তব্য করেন।